



REGIONI AUTONOMA DI LA SالدIGNA
REGIONE AUTONOMA DE SARDIGNA
REGIONE AUTONOMA DELLA SARDEGNA

Cumuni di Tarranoa

BANDIU PA' LA STAMPA CUMUNI DI TARRANOA

“Li linghi di Tarranoa”

L'amministrazioni comunali di Tarranoa à dizzisu cun aldori, di turrà a cumincià lu trabaddu di l'uffici linghistichi, sighendi lu caminu culturali e linghisticu cuminciatu illu 2021. “La folza di la Linga” è un pruggjettu prisintatu da lu Cumuni di Tarranoa e appruatu e finanziatu da la Riggjoni Autonoma di la Sالدigna cu' la L.R. 22/2018 e la L.R. 6/12, pal mezu di lu bandu TuLis. Lu silviziù è sigutu da l'Istituto Chircas, e l'uffici linghistichi, comu succedi da lu 2021 a ogggi, sarani fondamentali pa' li silvizi pa' li residenti, stragni e visittadori. Lu scoppu principali è di galdà e dà valori a la cultura e li linghi di la cumunitai. L'attivitai pa' faiddà cu' la gjenti (front-office) s'agatta illa Biblioteca Civica Sالدiciana (puru si illu avvinè pudaria esse spustata a lu Museu Alcheologicu di Tarranoa), dui lochi boni undi li spelti oparadori dani aggjutu cu' la linga gadduresa.

Li scoli sarani d'impoltu mannu, cu' attivitai criadori e di laboratorii pa' li steddi, mastri e famillii. Ill'anni avvinè, steddi manni e minori sarani li prim'attori di camini linghistichi, in manera di pudè cunniscì la citai e la so' storia, aé un criscimentu di la passona e cunniscì lu tarritoriu.

Pal mezu di li trabaddi fatti cu li centri ricreativi e associazioni di lu locu, sarani prisintati attivitai di giocu pa' li steddi minori puru illi frazioni di la citai, pa' prummu l'integrazioni e la palticipazioni di la cumunitai. Dunca, lu pruggjettu di l'uffici linghistichi di Tarranoa è un'iniziativa pa' aunì e fa imparà li passoni, una manera da aé piú cuscenza culturali e linghistica. Illu Museu Alcheologicu di Tarranoa sarani appustati abboii pa' liggjì e pa' cuntrastà, abbalti a tutticanti, in manera da turrà a cunniscì la Tarranoa antica e cumprindì meddu lu mutamentu chi Tarranoa à autu finz'a ogggi. È un'occasioni pa' cunniscì la storia e la cultura di lu locu in manera muderna, trasmettendi a tutticanti la cunniscenza giusta di la linga gadduresa.

Pa' tutti, li piú cioani e li piú li manni, vi sarani attivitai di divulgazioni linghistica e culturali, puru cun ciurrati a tema, undi vi sarani cunfarenzi, “workshop” e laboratorii, tutti pinsati pa' prummu e dà valori a l'impulanti ereditai culturali e linghistica chi teni Tarranoa. Tuttu chissu chi veni fattu sarà bandiatu illi canali *social* e illi siti web dedicati. In chista manera si póni agattà sempri tutti l'infulmazioni gjusti innant'a l'uffici linghistichi, e in generali, a li linghi di lu tarritoriu.

L'oparadori di l'ufficiu linghisticu di gadduresu sarani Maria Vittoria Pulixi, Claudia Pulixi e Simona Brandano, chi so gjà disponibbili pa' traduzioni, cunsulenza linghistica, dummandi e aggjutu pa' cassisia trabaddu, pruggjettu o curiositai innant'a la linga e cultura gadduresa.

Li pudeti agattà in chisti ciurrati e orari: **lu malcuri e lu vennari** da li noi (09:00) a l'undici (11:00) di la matinata illa Biblioteca Civica Sالدiciana, oppure pa' telefonu 347 586 6783 e 0789 26710.

Pudeti agattà l'oparadori ancora scriendi una mail a sportellolinguistico.olbia@gmail.com o a la pagina Facebook “Istituto Chircas”.

Sarani fatti dui scoli di linga gadduresa, chi selvarani pa' aé una bona cunniscenza di paltenzia/cumenciu di la linga, imparendi li palti di oltugrufia, di grammatica, di funetica e di grafemia, in accollu cu' la

standardizzazioni di la lingua gadduresa. L'insignanti faciarani trattà la manera giusta di li noi reguli linghistichi, sighendi li standard appustati da la Riggioni Autonoma di la Saldigna. Li lizioni ani ancora di li palti culturali e storichi innant'a Gaddura e la Saldigna, pa' cumprindí meddu di li tradizioni di lu locu. La scola veni fatta di passona illi lochi appustati da l'amministrazioni, in manera d'aé un'interazioni diretta cu' li studenti. Illu raru casu in cui no vi pó esse lu nummaru di studenti di passona, v'è la pussibilitai di paltizipà *online*, cu' li mattessi cuntinuti didattichi.

Illu pruggjettu d'abali, l'amministrazioni di Tarranoa, insempi a li spelti oparadori di *l'Istituto Chircas*, sighi a prummuí e dà valori a li linghi, a la cultura e la storia di la cità.

L'iniziativa di li visiti accompagnati in lingua illi lochi storichi, alcheologici e culturali, gjà cuminciati illu pruggjettu di l'annu passatu, è smannata e abali v'è un'*App* chi teni contu mattessi di lu passatu chi di lu presenti di la cità. L'applicazioni "**Archeo Map Olbia**" è un silviziù digitalu nou chi, direttamenti da lu telefonu, *tablet* o *QR code* dà la pussibilitai a li visitatori di gjirà e cunnisci li lochi cu' descrizioni, immaggjini, audiuguidi in lingua gadduresa, salda e italiana. Li visiti accompagnati e *l'app* sarani integrati cu' li visiti in lingua accompagnati, e cu' li eventi di lu locu com'è *Monumenti Aperti* e la festa pa' Santu Simpliciu. Chisti manifestazioni dani valori mannu a lu patrimoniù culturali, e la cumunicazioni, tra la comunitai e lu territoriu.

Pal mezu di chisti iniziatiivi, Tarranoa vó galdà e prummuí l'impulanti ereditai culturali e linghistica chi teni, aunendi sempri più passoni.

Pruggjettu "La folza di la Linga"

Finanziatu da la Riggioni Autònoma di Saldigna cu' la L.R 22/2018 e cu' la L.R. 6/12

Bandu TuLis - annualità 2025/2027